

فلسفه فاموسی

فلسفه نك مختلف مسلکینه دائر اصطلاحات

بعض کلمات فلسفیه

حادثه ویه مسلکی = Phénoménisme ؛
حادثانیدن بشقه بر حقیقتی قبول ایتمین مسلک
فلسفیدر . بومسلکه نظراً ماده substance
موضوع ، حادثه ده بو موضوعك صفتیدر .
شو حالده هر شی صفت اولور ، مطلق اوله رق
بر موضوع یوقدر .

سبب = Cause ؛ بر موجودی ویا بر
حادثه بی حصوله کترین شی دیمکدر . سبب
موجود اولمانجه ضروری اولان شرطده
بولنماز . سبب ده سبب مادی c.matiérielle ؛ علت
ایجابیه c.fermelle ؛ علت فاعله c.fficiente
قسملرینه آیریلور .

شرط = condition بر شیئك موجود
اولمینی تأمین ایدن شیدر . بو وقعنهك سببی
شرائطك هیئت عمومیه سیدر . بونكله سبب
آره سنده فرق واردر : سبب (مؤثر actif) در .
حالبوکه شرط غیر مؤثر در . مثلاً بر اوطه
داخلنده کی ضیای شمسك مؤثری کونشدر .
بو ضیایك او اوطه ده موجود اولمی
بانچورلرك آجیق اولمندن ایلری کلور . بناء
علیه بانچورلرك آجیق اولمی ضیا ایچون بر
شرطدر .

نامتناهی = infini ؛ بو کلمه نك اوج
معنایی واردر :

اولا معینه مقابل اوله رق حدودی اولیان
شی دیمکدر . نامتناهی کلمه سی غیر معین indéfini
کلمه سیله قاریشدر بلاملیدر . غیر معینك توسیع
ایدیله بیلن بر حدودی واردر .

ناتناً اوله میان شیدر .

ثالثاً هر بر نقطه نظر دن نامتناهی اولان

اولان شیدر . بو صوك معناده تام Parfait
ومطلق کلمه لری ایله مترادفدر .

تکامل = Evolution ؛ معنای عمومیسینك
بسیطدن مرکبه ، متجانسندن غیر متجانسه ،
داغنیق و غیر منتظم بر حال دن عضوی ، مرکزی
بر حاله دوغرو کیدن بر انکشاف دیمکدر .
بو کلمه علی الا کثر موجودات حیاتییه حقنده
استعمال ایدیلاور .

تکاملیه مسلکی = Evolutionisme ،
فکر تکاملی بی قاعده اساسیه اتخاذ ایدن مسلک
فلسفیدر . مسلک متدولرینه « تکاملیون
Evolusionistes » دینور .

استحاله مسلکی = Transformisme ؛
تکاملیه مسلکنك شعبه لرندن بریسیدر . بو کا
نظراً موجودات حیاتییه نك اجناسی ثابت
دکادر . وکندولرینه تقدم ایدن اجناس
سأره دن نشأت ایتشدر .